



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: **01-11-4-3572-3**
Sarajevo, **30.06.2022. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i 69. i 70. Zakona o javnim nabavkama („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine i Rješenjem o imenovanju stručnih lica i eksperata u Komisiju za javne nabavke za potrebe Ministarstva unutrašnjih poslova Kantona Sarajevo, broj 05-1-30-1-2758 od 22.04.2022. godine u postupku javne nabavke građevinsko-zanatskih radova na adaptaciji i dogradnji PS Novi Grad, ministar unutrašnjih poslova Kantona Sarajevo **d o n o s i**

O D L U K U

o poništenju postupka javne nabavke građevinsko-zanatskih radova na adaptaciji i dogradnji PS Novi Grad

I

Poništava se postupak javne nabavke građevinsko-zanatskih radova na adaptaciji i dogradnji PS Novi Grad za potrebe Ministarstva unutrašnjih poslova Kantona Sarajevo, pokrenut na osnovu Odluke broj: 01-11-4-3572 od 27.05.2022. godine i Obavještenja o nabavci broj 1364-1-3-53-3-33/22 od 06.06.2022. godine.

II

Ova odluka stupa na snagu danom donošenja.

O b r a z l o ž e n j e

Na osnovu Odluke broj: 01-11-4-3572 od 27.05.2022. godine i Obavještenja o nabavci broj: 1364-1-3-53-3-33/22 od 06.06.2022. godine, proveden je otvoreni postupak za nabavku građevinsko-zanatskih radova na adaptaciji i dogradnji PS Novi Grad za potrebe Ministarstva unutrašnjih poslova Kantona Sarajevo.

Prema Zapisniku sa otvaranja ponuda od 27.06.2022. godine, za aktivno učešće u postupku dostavljene su ponude ponuđača:

- "ALMY GRADNJA" d.o.o. ZENICA
- „SELA“ d.o.o. SARAJEVO

Komisija za javne nabavke za potrebe Ministarstva unutrašnjih poslova Kantona Sarajevo izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 01-11-4-3572-2 od 27.06.2022. godine.



Komisija je pristupila provjeri kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava i izvršila kontrolu dostavljene dokumentacije, način uvezivanja ponude, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je konstatovano sljedeće:

Ponuda ponuđača „ALMY GRADNJA“ d.o.o Zenica ispunjava sve formalno-pravno uslove zahtjevane tenderskom dokumentacijom, ali ista znatno prelazi procijenjenu vrijednost nabavke, te se smatra neprihvatljivom. Naime procijenjena nabavke iznosila je 1.305.086,00 KM, a iznos ponude „ALMY GRADNJA“ d.o.o. Zenica je 1.396.671,76 KM, što je za 91.585,76 KM više od procijenjene vrijednosti ili 7,02 %, što predstavlja znatno prekoračenje procijenjene vrijednosti.

Ponuda ponuđača „SELA“ d.o.o. Sarajevo sadrži formalno pravne nedostatke, kako slijedi:

- ponuđač „SELA“ d.o.o. Sarajevo nije dostavio Prilog broj 2 - Obrazac za cijenu ponude popunjen u skladu sa zahtjevima iz tenderske dokumentacije, već je dostavljen popunjen obrazac sa cijenama koji nije bio sastavni dio tenderske dokumentacije, objavljen na Portalu za javne nabavke,
- Ponuđač „SELA“ d.o.o. Sarajevo nije dostavio dokaz o ispunjavanju uslova u pogledu tehničke i profesionalne sposobnosti, tražene tačkom 17. podtačka b) Tenderske dokumentacije, a koja se odnosi na dokaz o angažovanju diplomiranog inženjera građevine konstruktivnog smjera sa tri godine radnog iskustva u struci i položenim stručnim ispitom iz oblasti konstrukcija. Naime, dostavljen je dokaz za diplomiranog inženjera građevine sa položenim stručnim ispitom iz struke građevine, smjer opšti odsjek organizacija građenja i nadzor, što je suprotno zahtjevima tenderske dokumentacije, te se kao takva ponuda smatra formalno pravno neprihvatljiva.

Ponuda ponuđača „SELA“ d.o.o. Sarajevo sadrži formalno pravne nedostatke, odnosno nije potpuna i ne ispunjava zahtjev iz tenderske dokumentacije u smislu člana 68. Stav (4) tačka i) Zakona o javnim nabavkama.

Obzirom da niti jedna pristigla ponuda nije prihvatljiva, s tim u vezi nisu se stekli su za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 69. stav (2) tačka d) Zakona o javnim nabavkama („Sl. glasnik BiH“ broj 39/14), Komisija jednoglasno daje preporuku ministru MUP-a KS da donese odluku o poništenju postupka.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu čl. 99. i 101. Zakona o javnim nabavkama („Službeni glasnik Bosne i Hercegovine”, broj 39/14).

**PO OVLAŠTENJU PREMIJERA
MINISTAR**

Dr. sc. Omer Osmanović

DOSTAVITI:

1. Komisiji,
2. Upravi podrške,
3. Ponuđaču/izvođaču radova x 2,
4. Kabinet ministra, stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba